



Кассоблар томонидан сўйилган мол калласининг сотилиши ва унинг бахоси хар вақт турлича бўлиши ҳаммага маълум. Аммо инсон бошининг нархи канча бўлади, деган банда борки, бир сесканиб тушади. Вахоланки, ўтмишда, хонликлар даврида ин-сон калласига маълум бир нарх кўйилиши одатий хол бўлган.

Ўша даврларда Ўрта Осиёдаги уччала хонлик ўртасида бўлиб турган ички низолар, кўшни давлатларнинг боскинчилик юришлари боис хонликларда мунтазам харбий кўшин мавжуд эди. Гарчи уларда санокли тўп, милтиklar бўлса-да, доимий равишда килич ва ёйлар билан машқлар олиб борилган. Хива хонлигидаги кўшин сафида хизмат килаётган навкарларга давлат томонидан йигирма таноб ер берилган бўлиб, бундан келадиган даромад навкарники эди. У ўзи хизмат билан банд бўлганлиги учун ерини чорикорга бериб ишлатарди.

Навкарлар солиқлардан ва казув каби турли мажбуриятлардан озод қилиб кўйилгани учун, колаверса, боскинчилар Ватанини эгалласа, ўзига бериладиган ердан ҳам бенасиб қилишини ўйлаб, урушларда фаол катнашарди.

Бундан ташқари хукмдорлар урушда навкарларни рағбатлантиришнинг бошқа бир усули — калла пулини ҳам ўйлаб топишган эди. Унга кўра, хонлик навқари ўзи ўлдирган хар бир душман учун мукофотланарди. Бунинг учун навкар душманнинг калласи, кулогини кесиб келиши керак эди.

Агар Хива хонлари архивининг 1866 йил ражаб ойидаги маълумотларига таянадиган бўлсак, шанба куни «Илонлидан Аннамурад деган бир калла олиб келганида ўн тилло берилди», дейилган. Ёхуд 1867 йил шаъбон ойининг чоршанбасида ёвмудлардан» яна икки калла кесганга икки латта сарупой берилди, олти тилло, калла пулига йигирма тилло берилди», деган маълумот бор.

Табиийки, урушда ёхуд душман тарафга кўкқисдан хужум қилиб, калласини кесиш ва унга мукофот пули олиш, унга тўланган юқоридагича миқдор 10 ва 20 тилло ўз даври учун катта пул эди. Бу пулга навкар бир ой бемалол каттагина оиласини озик-овқат билан таъминлаши, хўкиз ёки сигир сотиб олиши мумкин бўлган.

Бирок ҳаётини хатарга қўйиб, ўлим билан юзма-юз туриб, урушда катнашгудек бўлса, навкар ўз калласидан ҳам ажралиб қилиши мумкин эди. Шундай бўлган тақдирда, ўлдирилган навкарнинг бева хотинига Хива хонлари бир йўла нафақа, баъзан бу бевага пул ўрнига бир кул инъом қилишарди. Шунингдек, отлари ярадор бўлган навкарларга

хам пул билан ёрдам берардилар. Шу каби навкарларга урушда кўрсатган жасорати учун чопонлар кийгазиш ҳам кенг тус олган бўлиб, айрим холларда пичок тақдим этилган. Хонлар сулоласининг вакиллари, машхур амалдорлар эса фахрий мукофот тарзида олтин ва кимматбаҳо тошлар кадалган камар олар эдилар. Ушбу навкарларнинг Хива хонлигида бошқа давлатларнинг харбий кўшинлариники сингари махсус харбий кийимлари, давлат мукофоти нишонлари ва медаллари йўқ эди. Факат инъом тарзида берилган калла пули, чопон кийгазиш, олтин ёхуд кимматбаҳо тош кадалган камар бериш давлат мукофоти тусини олганди.

Урушлар давомида ярадор бўлган жангчилардаволаниш учун ўзлари табибга мурожаат килар, даволаниш учун кетадиган пул хонлик хазинасидан сарфланарди. Яъни, навкар Ватан химояси учун бўлган урушларда ярадор бўлди, деган караш бор эди.

Агарда хонлик ичкарасида ўз фукаролари томонидан исён, кўзголон, фитна юз берган тақдирда навкарлар хон томонидан бекаму кўст хамма эhtiёжлар билан таъминланар, хатто, ўша норозилик харакатини неча кунда бостиришганига караб пул тўлашарди.

Кўшни давлатлар—Эрон ёки Бухорога хужум килинган тақдирда хон навкарларига маош тўламаган. Урушда ўлжа киритган навкар кўлга киритган нарсасининг бешдан бирини хон хазратларига инъом килиши шарт эди.

XIX аср ўрталаридаги маълумотга кўра, Хазорасп, Бешарик ва Питнак мавзеларида 2396 навкар, колган худудларда эса 6445 навкар бўлиб, уруш харакатлари бўлиб колган тақдирда кўшин юзбоши, мингбоши, ясовулбоши ва амирулумаро бошчилигида бирлашиб, ягона буйрукка бўйсунувчи армия холатига келарди. Тинч даврларда хонлик чегарасини кўрикладиган навкарлар кўшини эса яримчилар оркали ердан келадиган даромад эвазига кун кўрар, чегара хизматининг бошлиги — коровулбеги эса хазинадан 50 тилла маош оларди.

Хуллас, хонлик кўшини гарчи оз сонли тўп ва милтиклардан иборат бўлса-да, килич ва ёйлар билан мудом жангга шай турарди.

Умид Бекмухаммад